



UNIVERSITI TEKNIKAL MALAYSIA MELAKA

SURAT PEKELILING PENTADBIRAN BILANGAN 5 TAHUN 2010

PENETAPAN HAD KUASA BAGI MELULUSKAN PENGANJURAN MAJLIS / PROGRAM / AKTIVITI PERINGKAT UNIVERSITI

Pejabat Pendaftar
17 JUN 2010

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Penyelidikan dan Inovasi)
Pegawai-Pegawai Kanan

SURAT PEKELILING PENTADBIRAN BIL. 5 TAHUN 2010**PENETAPAN HAD KUASA
BAGI MELULUSKAN PENGANJURAN MAJLIS / PROGRAM / AKTIVITI
PERINGKAT UNIVERSITI****1.0 TUJUAN**

Surat Pekeliling ini bertujuan untuk memaklumkan kepada semua staf Universiti Teknikal Malaysia Melaka (UTeM) mengenai penetapan baru Pihak Berkuasa meluluskan penganjuran majlis / program / aktiviti yang dilangsungkan di peringkat Universiti dan keputusan pihak Universiti untuk membatalkan Pekeliling Pentadbiran Bil.4/2007.

2.0 LATAR BELAKANG

2.1 Pihak Pengurusan Universiti sebelum ini pernah membuat penetapan tentang had kuasa untuk meluluskan majlis / program / aktiviti melalui Pekeliling Pentadbiran Bil.4/2007 seperti di bawah :

Aktiviti / Program	Peringkat Penganjuran	Implikasi Kewangan	Kelulusan	Catatan
1) Majlis Universiti	Universiti	Sebarang jumlah	Majlis Eksekutif	-
2) Sebarang program / aktiviti (Implikasi kewangan lebih RM25,000)	PTj / Universiti	Lebih RM25,000	Majlis Eksekutif	-
3) Program / aktiviti berunsur Pentadbiran	PTj	Kurang RM10,000	Ketua PTj	*Perlu dinyatakan dalam perancangan tahunan PTj dan telah ada peruntukan.
	PTj	RM10,000 hingga RM25,000	Naib Canselor	
4) Kursus / Program / Aktiviti Berunsurkan Akademik	PTj	Kurang RM25,000	Timbalan Naib Canselor (A&A)	*Tidak menjana pendapatan

5) Kursus /Program / Aktiviti berunsurkan Perundingan	PTj	Kurang RM25,000	Timbalan Naib Canselor (P&I)	*Program aktiviti dapat menjanakan pendapatan bagi PTj / Universiti
6) Program / Aktiviti Pelajar	PTj	Kurang RM25,000	Dekan HEPA	-

2.2 Penetapan had kuasa keputusan penganjuran majlis / program / aktiviti ini dikeluarkan bertujuan untuk mengelakkan tafsiran yang berbeza di Pusat Tanggungjawab (PTj) serta untuk meningkatkan sistem penyampaian perkhidmatan.

3.0 PEMBATALAN PEKELILING PENTADBIRAN BIL. 4/2007 DAN KEPUTUSAN HAD KUASA BARU

3.1 Bagi maksud melaksanakan keputusan pihak Universiti maka Pekeliling Pentadbiran Bil.4/2007 adalah dipinda dengan menetapkan keputusan baru seperti berikut :

(i) **Semua** penganjuran majlis / kursus / program hendaklah mendapat **kelulusan** Y.Bhg. Naib Canselor.

(ii) Bagi kursus / majlis / program / aktiviti yang berunsurkan **akademik, penyelidikan dan perundingan serta program / aktiviti pelajar**, kertas kerja berkenaan hendaklah dimajukan bagi mendapat perakuan seperti berikut sebelum dikemukakan untuk kelulusan Y.Bhg. Naib Canselor :

Perkara	Perakuan	Kelulusan
1) Kursus / Program / Aktiviti Berunsur Akademik	Timbalan Naib Canselor (A&A)	Naib Canselor
2) Kursus / Program / Aktiviti Berunsur Penyelidikan dan Perundingan	Timbalan Naib Canselor (P&I)	Naib Canselor
3) Program / Aktiviti Berunsur Pelajar	Dekan HEPA	Naib Canselor

3.2 Keputusan terbaru had kuasa penganjuran majlis / program / aktiviti ini perlu diambil maklum oleh semua staf dan dijadikan panduan dalam melaksanakan urusan-urusan yang berkaitan.

4.0 TARIKH KUAT KUASA

Surat Pekeliling Pentadbiran ini berkuatkuasa mulai **1 Julai 2010**.

Sekian, terima kasih.

“KOMPETENSI TERAS KEGEMILANGAN”

Saya yang menurut perintah,



HASAN BIN SIRUN

Pendaftar

/ukp